

永嘉縣志卷之六

學校

教育人材必由學校永嘉於宋名賢輩出登洛闕之堂者後先相望郁郁彬彬至稱為小鄒魯何其盛哉遺風餘韻元明間猶時有聞前哲撰學記每歎羨景慕如不容口即鄉間社學本古黨庠術序亦較他州最多此吏治所首重民風所視以轉移也志學校

温州府儒學

在府治東南府志

聖廟

兩廡戟門泮池櫺星門崇聖祠明倫堂尊經閣祭器庫宰牲房名宦鄉賢二祠土地祠

廟縣

聖祖仁皇帝御書萬世師表額

康熙二十四年碑刻

永嘉縣志

卷之六

先師孔子贊及顏曾思孟四配贊并序

二十五年

御製訓飭士子文

四十四年又列十哲增朱子熹

五十年廟懸

世宗憲皇帝御書生民未有額

雍正三年廟懸

今上御書與天地參額

乾隆二年

御製祝版文

乾隆五年

十哲增有子若

乾隆六年

兩廡從祀

先賢中雍正三年復入濂子瑗林子放秦子冉顏子何四位增入縣子宜牧子皮樂正十

克公都子萬子章公孫子丑六位先儒中康熙五十

五年增入范子仲淹雍正三年復入鄭子康成范子

寧增入諸葛子亮尹子焯陳子淳魏子了翁黃子幹

崇聖祠

舊名啓聖祠雍正元年追封五世祖為肇聖王高祖為裕聖王曾祖為詒聖王祖為昌聖王父

為啟聖王易祠名三年配享增入  
張氏迪一位已上各縣學俱同

事實嘉靖浙江通志晉太寧初立永嘉郡學於華蓋山

麓宋天禧三年知州葉温徙故九星宮址以為今學

治平二年火熙寧初知州周延雋徙州治西南元祐

五年知州范岫復今所紹興十年又火知州程邁建

舊志程邁重建做太學制右為廟曰大成殿後為閣

曰稽古左為學中為養源堂兩廡翼以肄業之齋庖

廩具嘉定七年知州劉茂潛修立於紹興初積久虛

毀嘉定七年劉公茂潛來守既修崇之食增田焉告

諸生曰峙節廬廩苟厚其養而已若夫本原師友必

納諸道德太守職也昔周恭叔首聞程呂氏微言始

放新經黜舊疏挈其雋倫退而自求視千載之已絕

儼然如醉忽醒夢方覺也頗益衰歛而鄭景望出洞

見天理神暢氣怡篤信固守言與行應而後知今人

永嘉縣志

卷之六

學校

二

之心可印於古人之心矣故永嘉之學必競省以禦  
物欲者周作於前而鄭承於後也薛士隆憤發昭曠  
獨見體統明興王遠大之制廓叔末寡陋之術不隨  
毀譽必撫故實如有用我療復之方安在至陳君舉  
尤號精密民病某政國厭某法銖稱益數各到根穴  
而後知古人之治可措於今人之治矣故永嘉之學  
必彌綸以通世變者薛經其始而陳緯其終也四人  
邦之哲民也諸生得無景行哉夫學不自身始而曰  
推之天下可乎雖曰推之天下而不足以反其身可  
手然則妄相融會者零落而不存外為馳驟者粗鄙  
而不近矣雖然未至於聖人未有不滯於所先得而  
以偏受為患者孔子進參與賜示之道皆曰一以貫  
之豈非無本末之辨而欲合門人同異之趨哉今觀  
會子最後之傳終以邊豆有司之事為可畧是則唯  
而不可得而聞是則疑而未達者猶在也且道無貴而  
苟欲忽其所賤學無淺而方自病其不能深乎元延  
諸生側聽轉相語自學官及父兄皆請予筆授元延  
祕閣總管趙鳳儀重建稽古閣

舊志延祐元年八月火十一月建大成殿

橋星門三年建明倫堂五年建養源堂  
池立橋其上又立稽古閣鑿一鏡池至正丁酉

閣廢至正末兵燬萬歷志洪武四年郡守湯遜重建

化丙午郡守項澄修文廟建明倫堂嘉靖通志

十三年知府鄧淮修增築學舍舊志擴再屋濬學前

殿曰先師廟建啟嘉靖十三年知府郁山建明倫堂

聖祠及敬一亭王激重修温州府學記嘉靖甲午秋七月九日

風折木拔屋公宇為墟郡庠傾壞師生靡所止居日

且廢業時歲復不穰民苦力役之征有司乏歲抄之

美是歲冬水軒郁公以秋官大夫出知郡事校官陳

君志謙等率諸生以狀上且言曰宣德間鬻宮之壞

也滋甚何公文淵實勤茲役至今猶嘉賴焉繼何之

蹟豈異人任敢以累公公曰吏治以教化為先其敢

以時詘為解明年春謀於貳守高公郡倅魏公陳公

節推劉公調度經營罔愆厥素不掠於民不病於政

乃新文廟作戟門廟左仍舊址作明倫堂堂之南作

永嘉縣志

卷之六

學校

三

學門左作養源堂廊廡齋以次修葺踰三時工乃竣  
郡之冠紳儒士樂觀厥成乃嘆曰壯哉居乎邦君之  
績也子盍誌之予曰何哉今所謂壯者夫上棟下宇  
蓋取諸大壯思聖人制器尚象之義惟士為能而民  
是則倣故墻必高門必固堂必廣室必邃紆巷而長  
砌曠院而奧寢此器之壯也所以壯於其外也居以  
養德動以由義陟降出入率履不違長幼尊卑羣居  
而相親以為善此理之壯也所以壯於其內也水軒  
公之惠於士者勞矣廩士朝而出焉暮而入焉羣聚  
而相與習者惟六德是從惟六藝是游導邦君之教  
而求以明先師之道雖容膝之居亦壯矣若夫朝而  
出焉暮而入焉羣聚而相與習者惟勢利是從惟逸  
樂是游則是居將為虛器曾百工之肆不如矣求見  
其所謂壯也廩士其勉乎哉自何公以至於今由茲  
地而顯者賢不肖歷歷可數而勢之隆赫不與焉繼  
是以往諸士夫其所以為不肖而就其所以為賢則  
後之視今猶今之視昔論者以水軒公興學於何公  
有光焉則茲役稱壯於永遠而予言亦藉以傳矣必  
書之為訓也

萬歷志萬歷七年郡人參政王叔臬

建堂舍

季維棟重修温州府學記溫於浙稱雄郡郡

而更新之殿無門堂齋閣解舍有益無因闢門之前  
衢樹屏九斗兩江之勝可攬額也先是學巽方山有  
泮圖高入雲表形家為文筆颯風拔之公倡里人修  
焉計後先資由公者逾千金學日增盛士絃誦日增  
事植謙讓未違也蓋十年而門人赫君敏為永嘉宰  
復申其請乃甫為之記曰昔周公治天下家有塾黨  
有庠術有序國有學司徒樂正司成大小胥鄉遂州  
黨之屬其官備矣五典六德六行六藝四術之屬其  
科條詳矣叔世政教廢格而孔子用之於魯自宰中  
都為司寇攝相事靡非周公遺法卒以讒見奪天下  
莫宗然而退與弟子講易刪詩書考禮正樂作春秋  
其徒三千人哀然者七十計其生平及門受業之凡  
耳非羣之一室而聚之一時也洙泗杏壇孔子家作  
焉士就而考德問業非創為室以並為塾庠序學之  
制也俗儒不察謂孔子匹夫行天子事而其緒正六  
經與羣弟子講業儼然抗衡周官師而為政不亦悖  
哉此義不明而後世學孔子者以學官之養士為不

永嘉縣志

卷之六

學校

四

足恃更立精舍號曰書院而名致生徒處之國有二  
師里有二弟子而甚者舍官師而惟是之從天下方  
且爭趨焉而莫覺其非孔子之心幾不自於天下矣  
往予督學政秦中持是論以曉譬人未有應者乃今  
見之王公王公學孔子之道試於國南北畿輔之政  
迄今稱之欽而施之於家所以睦宗族仁鄉黨其政  
非一士尊之為者宿而奉之如著蔡周禮士大夫有  
德者使為鄉老公非其人也耶假令公別築宮而名  
致士士當嚮風景從而公第祓飾孔子之宮不遺餘  
力若曰國家所以儲養士自有地也孔子所以垂憲  
萬世自有道也士自求之有餘師耳孔子進則欲一  
變魯退則欲裁魯士成章者眷眷父母之邦沒而後  
已王公於鄉國用意良厚不佞故舊志萬歷三十一  
年邑人王光美重建尊經閣光美即叔呆子修閣祀  
文昌於其上陳公相為

記接舊志明時尚有養源堂時習日新  
博文約禮四齋稽古閣學舍後俱廢

國朝康熙十一年巡道許重華護巡道陳遇王率屬同修

戟門教授李璋率諸生黃芳卿等重修尊經閣二十

三年巡道楊懋緒諸定遠率屬重建

先師廟

學道張衡知府王國泰汪燠同知魏奇懋通判任

燠各捐俸二十五年知府汪燠重修明倫堂

汪燠碑記畧

年為上元甲子 詔天下郡邑咸葺孔子廟庭振興  
文教余以是冬來領部事瞻謁宮墉棟然起敬已而  
詣講堂則尚湮歎勿之葺也明春上丁聚師儒議聽  
其傾可乎先王慮士之不可散處也爰立之學聚俊  
秀朝夕於茲講習聖賢之道凡古法申明孝弟之  
義以廣教化厚風俗正人心典其重矣况東甌風稱  
小鄒魯扶輿清淑之氣鍾靈秀於學宮在昔人文甲  
第冠浙東今則明倫之地漸圯何以興起後學無惑  
乎科名寥寥風俗人心之不古若也亟謀於廣文金  
君大起胡君燠計木石版築撲斷埃壘堊丹雘之  
費及工幾何捐俸率先相度而重新之維士與民樂  
於趨事不日而聿觀厥成師儒講學既有其地吾意

永嘉縣志

卷之六

學校

五

濟濟多士陶淑其間望輪奐重光聽鼓鐘復振必將  
爭自濯磨處為端人正士出為碩輔名卿嬾美前徽  
不亦見 聖世立學右文之 雍正十三年民居失火  
盛軌乎康熙丙寅月日記

延及廟祠盡燬巡道吳士端知府莊柱清出廟壻為

民居舊所伎地

四圍曠地已復火衝水井計基地七

學宮前臨河隔岸東西俱有曠地舊為朔望 乾隆二

行香各官駐輿馬處今東畔尚係民居未復 乾隆二

先師廟請發帑金五千兩內外門廡祠閣炳然一新

十六年訓導童基移建尊經閣於學之巽位

舊在明倫堂左

劍上祀文昌形家言人文所係當在聳起巽方基率  
貢生吳國清張正宰梁春等移建王執玉有碑記

十七年教授王執玉率諸生補建泮池橋

督學侍麟彭啟豐碑

記畧温於浙東稱雄郡樹屏九斗兩山如紫帶關前  
衢引巽方之山為文筆以建學規模甲於他郡自雍  
正十三年燬於火甫謀修葺又壞於颶風乾隆二年  
武進莊君任守茲土力圖興建請於上官領帑金五  
千兩選貢生邵世祿董其事工將竣而陞任去廡宇  
堂舍翼然成新惟泮橋未建十七年觀察朱君椿太  
守俞君文綺方屬意文學振興黌序於是教授王執  
玉率諸生李元震等合力捐助補建泮橋余啣  
命再司學政瞻仰廟庭規制畢具進諸弟子而告之曰學  
宮徧天下而人材出其中教化之行浮天浴日之鄉  
皆涵濡  
聖澤光被文明矧温自有軍康樂開導文教而後人材輩  
出至宋有元豐四先生淳熙六君子俱得性道之傳  
比戶緜歌彬彬稱盛士子之蔚為時彥者當不徒為  
記誦詞章而已學宮工鉅費煩因眾志蒸蒸遂能觀  
成一旦尚其奮志力學繼躅前賢思造於高明光大  
之域也

射圃 在舊小教場

永嘉縣志

卷之六 學校

名宦祠 祀王羲之以下五十二人

鄉賢祠 祀王景山以下一百二人

永嘉縣儒學 在縣治東 **萬歷志** 宋元祐三年令吳君平始建

縣學於今址紹定間令洪備於廟後建堂元縣令蕭

玉宋也先王安貞相繼改建 **嘉靖通志** 延祐元年尹

何玉趙搭納重建 **柳貫** 永嘉縣新學記 温州治永嘉

術之異名而同以化民成俗為義也永嘉舊學在府  
城東陬華蓋山下延祐甲寅燬明年令何君玉作禮  
殿又三年令王君貢作門廡講堂基構粗立而暨茨  
塗墜未底厥功越十四年為至順辛未令趙君搭納  
以之造而學其器也聖師臨之吾敢不飭於是擇  
於而備材用物士薦其贏工售其巧凡新作絃誦之  
齋十六楹間而自殿及堂門闔憲瑣之當髹飾者庭

雷陸祀之當加璧者咸考度以致其工像繪合章尊  
俎應式宿有次舍限有垣墉族庖計稟位置左右觸  
目其美不陋不奢既擇奠告成君復諭曰今庠舍苟  
完優游之徒亦稍集矣然則學豈徒器而已乎乃使  
來請文表示學者蓋古者學必有先聖先師之祀自  
始入學而皮弁祭菜學入官而宵雅肄三以夫人性  
本善而所以磨揉遷革卒要其成者猶有待於禮鎔  
樂治之功政何適而非教教何適而非道士生斯時  
見大節踐大義出聞詩禮之訓入謹仁讓之習樂其  
事勸其功人人有尊君親上之心故口官先事士先  
志夫已任之事即未任之心亦各有其義焉惟不以  
政自為政教自為教則興學以範民無非道器之所  
寓舍器而論道是謂誣道吾不謂之道矣趙君學古  
知方篤於自修其為永嘉甫期月耳獨汲汲焉惟學  
之為務泮宮既作而魯侯之德以明鄉校不  
毀而子產之仁益信謂吾溢於辭豈知言哉

萬歷志

明洪武元年郡守湯遜令韓鈞修闢二十八年令李  
廷珪創先賢祠因闢地通街宣德間毀於颶風邑人

永嘉縣志

卷之六

學校

七

戴文堡林斐黃福昌同建

何文淵為記

正統三年令周紀

修

黃淮永嘉縣學記畧溫郡城內外有九山晉郭璞

以其麓人咸宜之廟學建有年興廢不一近歲颶風

大作頽敝滋甚前守何公文淵經理修葺功將就緒

而有陞擢之命未幾復為風所撓門廡加損禮殿棟

梁亦就斂仄正統丁巳春今太守劉公謙來視學謀

於眾鳩工庀材擇日興作知縣周紀承命惟謹於是

新文廟兩廡改創文昌先賢二祠於中門之右與文

祠於學門之左閏三月訖工舍菜告成淮亦忝預班

列因屬筆為記淮聞地因人勝古有是言吾郡巨儒

如宋王先生景山於伊洛未作之先即倡明理學是

後若周恭叔劉元承元禮皆承伊洛正傳吳正仲之

諭諫葉正則之宏博蔡行之之不避權奸薛士龍之

明於料敵其餘更僕不能盡述宜乎虞文靖公目為

杞梓茂林鳳麟靈囿豈非地因人勝之謂乎諸生伊

荷聖朝培養之深恩承郡邑官僚作興之嘉惠當

報稱斯為無忝必以禮義廉耻為立身之太端切

淬厲以就其德器朝益暮習以克其才識奮然以

修自期祀梓鳳麟始將復見於今 成化十八年令文

日豈特華蓋文曲增輝而已哉

林闕地重建明倫堂宏治十年令林廷獻購地重建

令汪循成之李東陽永嘉縣學記畧縣學自宋元祐

道院前廸民居既隘且敝不稱為施教地前知縣林

君廷獻圖為改作拓其故而新之首建宣聖廟及左

右廡尋擢貳蘇州不果畢而去新安汪君循繼知縣

事踵成之於庭之前為戟門旁隙地為庖為庫而廟

成又為為堂及左右齋考為號舍前為泮池而橋其上

又前為儀門而學成又為名宦鄉賢二祠於學之兩

偏凡其木石筦甃之精金碧丹堊髹繪之飾繩殿刻

斷構結甃築之用選堅擇良精極壯麗數十年之陋

一旦為浙 嘉靖十五年令李丕顯重修四十年廟門

東大觀 及啟聖祠圯四十五年巡按龐尙鵬郡守李廷觀令

程文著重建萬歷六年邑人副使王叔果捐資重修

永嘉縣志

卷之六 學校

八

詹萊重修永嘉縣學記永嘉縣儒學歲久損敝明倫

堂為獨甚諸士子謁當道請修治顧帑詘未逞也已

卯冬堂且圯鄉先生副使西華公叔果有事學中徘徊久之揖謂師生曰予幸有先大夫之餘資雖未盡修請修其急者於是新作堂宇以及階序門壇俱煥然大改其舊凡四月而告成費金以百者三既迄工教諭周君廸訓導吳君炳正與葉生嘉遇林生承郡等謀鑄石以示久遠訓導鄭君從善予友也始介之來請記予惟王公亦猶行古之道爾古之人以身為禮樂綱常之所寄也故公之於天下其有行也恆為天下謀不為身謀出其智為天下慮輸其力為天下勞捐其財為天下用未嘗以入己彼此限也故分所得為義不容已即毅然以身肩之而無所退讓也况於學者乃其終身所有事者乎禮大夫七十而致仕老其鄉里大夫為父師士為少師歲事畢則羣餘子於學而教之滄里胥鄴長之博農也以至任其道德會於成均之法為瞽宗之樂法而後已然則與有教學之責者寧忍委諸州長黨正而不為之所乎是豈也非異人任亦舊志萬歷十四年令蔣行義建文昌猶行言之道歟



祠在學後華蓋山三十二年叔果子光蘊光薦加修

廟廡學堂尊經閣名宦鄉賢祠今姚禾濟記

國朝康熙八年颶風作盡拔明倫堂廊廡教諭樊遇諸生

黃象鼎等以學租重建十七年訓導蔡啟份重建儀

門副使高培知縣鄭廷俊造省牲所二十一年教諭

王維新訓導蔡啟份暨東廊砌甬道右見通志舊志康熙

二十三年知縣申奇美教諭勞大與訓導蔡啟份紳

士林兆斗重建

先師廟又建文公祠康熙年訓導朱禾雍正年教諭林標

重修明倫堂事實冊廟及廡門歲久傾圮乾隆八年令邱肇熊詳

永嘉縣志 卷之六 學校 九

請動帑訓導陳錫圭躬歷各鄉勸捐合得三千餘金

重建

聖廟及兩廡明倫堂訓導署規制宏壯洪勛有碑記闕

名宦祠在廟門外左祀齊蕭景唐吳會宋仰仁謙霍

周紀文林劉遜林廷獻汪循黎存信彭占祺方升周

瑛朱潤李丕顯齊魯陳其志國朝馬瑒

鄉賢祠在廟門外右祀宋王景山周行已劉安節劉

蔣元中鮑若雨薛弼林季仲張闡薛徽言蔣行簡鄭

伯熊丁昌期薛嘉言薛季宣張淳王稱葉適周端朝

葉味道戴溪陳埴吳滌戴栩薛叔似翁巖壽胡子實

陳昉林武陳虞之戴侗徐瑄繆至一元季元澤明梅

歐黃淮朱良選王淵朱謐潘繼鄭璘楊思敏周旋張

漢黃祿王瓚葉挺張孚敬葉式項喬王建朱文鑄王

德張遜志王叔果葉承遇王叔果孫滄張遜業葉世

德朱邦彥季永本方以正陳堯言王維夔周應期

天應國朝謝  
包京謝天堃

射圃

社學 所在城十所在廂四  
所在鄉十八所

東山書院 在城東南積  
穀山之麓 舊在華蓋上宋王儒志先生講

學之所久圯

國朝雍正壬子巡道芮復傳移建於此即謝靈運故蹟傍

山築舍依石為門有講堂廨舍為肄業地前繪靈運

像內祀儒志先生左建文昌閣 通志舊傳謝靈運讀

書春草四字前為謝沼旁為池上樓奇峯古木為城南最勝藥正七年巡道王欽福建康樂祠三間九年巡道芮復傳捐俸千金購民地闢為書院由謝祠入經顏曰名教樂地中為開存堂三間後為靜虛齋齋

永嘉縣志 卷之六 學校 十

西為進修軒前有池池上屋三楹題曰塵襟可滌  
入門峭石壁立上有天泉味極甘冽樓榭廊廡齋舍  
庖福具備次年落成又於山巔建大觀閣雲二亭復  
捐置塗田二頃供諸生餼膳以垂久遠芮復傳留雲  
亭碑記積穀山之建留雲亭說者謂亭當郡巽位宜  
壯麗以收王氣而余之意則又在於書院也按積穀  
一名飛霞因東漢劉根隱此乘赤霞至天台訪紫靈  
君得名書院不以積穀名而以東山名者仍舊額也  
余既買地拓書院基構講堂濬池闢層軒環築書舍  
延師以課兩郡來學之士漸置膏火業公暇與諸生  
考論久而不倦山之勝甲一郡而書院坐收之千巖  
笏時一水虹繞秀木美箭森蔚檐際又有仙泉出於  
鑿巖石穴旱不涸雨不溢近學士李公清植校士東  
蹕大加激賞以為紹鵝湖之石井云第逼於地無舒  
眺處山頂向有亭名留雲後改東柄久壞於颶風余  
因謀重新之以補書院之缺書院距亭不百武夾路  
皆松盤折而上嶺半構飛廊於巖隙周以曲檻為駐  
足地而西山而日色不下得眾木之蔭也亭堅緻與  
大觀亭相倣而山之幽奇過之諸生當風日清即時  
涉其巔四望心胸洞然凡江山之流峙雲物之變幻

足以洗濯塵襟使心識益以高明義理益以沉實惟  
茲亭之功故曰補缺疑者謂學在心不在境昔朱子  
於武夷白鹿皆擇山小最佳處豈無意哉茲後書  
院二載是為七十春季越三月丁竣存古名易今名  
書院計費錢五十萬亭約四之一皆出自外餘不以  
擾民吾恐後之人以吾效謝公遊屐香或以吾感青  
鳥家言而失造就人材以為地靈之木牧摠而告之  
書院未有記今併書於此使貽後者渠陽尚復傳撰  
嚴驟東山書院詩環林疊巘聳層臺下抱漣漪講席  
開幽徑玲瓏儲秀氣疎窗窈窕屏氛埃宵沉玉漏吟  
畫微曉映牙籤翠色來鄒魯遺風猶未墜于今追琢  
日多材朱葉瑛東山書院雜咏翠壁凌空一壁峭如  
屏屏上嵐光接杳冥相對不知春已去春山只似夏  
山青石磴一卷突兀當塔立屏絕巉巖作四平豈是  
巨靈施屨巖天工琢峭便天成仙泉石上仙泉一勺  
多盤螺屈曲水盈科只疑便是仇池穴小有天通此  
地麼鏡池池水清渾未有期風來風定兩乾隆二十  
無時此間自有仙源出長把天光似鏡池

四年郡守李琬增置塗田以為諸生膏火詳見府志

永嘉縣志

卷之六

學校

十一

又以積穀山麓基地狹隘現議選地另建云

鹿城書院

在城東北隅

舊志明宏治中郡守鄧淮建祀溫儒

從二程者十一人從朱子亦十一人從南軒者一人

吳寬鹿城書院記浙水之東惟溫為上部非以其物  
產山川之秀也將以其地人才之多耳人材之多者  
或以事業文章在他郡固存之若其人以義理自守  
名教自樂求乎其內而無待於外此則所謂道學之  
上而非人所能及也蓋自宋濂溪周子默契道體繼  
孔孟之學於千載之上一傳而為河南程子四傳而  
為新安朱子並朱子而生者為廣漢張子道學既傳  
海內風動士相慕悅莫不奮迅而起往者百笈囊衣  
不遠千里以得登門為幸講明道誼羞稱手易利可  
喜之辨質性命而不惑於佛老誠是之言所謂事  
業文章乃其餘事久而轉相傳授或私淑諸人其多  
不論也當是時溫之士於四先生之門皆有足跡以  
其數計之合二十有三人噫可謂盛矣自宋濂元  
明三百餘年凡事業文章之煥耀者郡中尚書道之

顧於此諸賢若不知有其人幸其名氏言論散見於諸書者昭然猶在有終不得而狀者弘治辛酉郡守言水鄧侯受命而來凡所以惠乎民者既無不至問考諸書棟然與歎曰此邦先哲之盛如此而古守此土者士民之上於一夫有善尚當表揚之况有關於教者乎此其責不在我而誰知永嘉縣新安江君循好賢方切乃奉僕之意擇地於郡之樂城躬自計度創設既完神位斯置其氣貌若相接其聲歎若相聞儼手函文之謂師弟子之相授受也又闢館舍若干間使士之學於斯者居之其規約大率仿白鹿洞而行其所以勸乎人又無不至適候與江君以公事至京事畢偕來請記竊嘗觀孔子設教於洙泗之間一時弟子莫非齊魯之裔惟子游一八自吳而來若夫孟子之北學於中國者亦惟陳良一人自楚而至惟溫去閩頗邇其學於朱子亦宜若去洛則遠矣何程門諸賢之多不減於閩耶吾是以益嘆其盛非特當時所不能及而已侯為此舉固出於尊崇先哲之意然所以望於後學者尤多蓋四先生世不常有而其

永嘉縣志

卷之六

學校

士

書則常存學於斯者出而升堂則仰而挹其清怡之容入而讀書則俯而探其精微之旨以守義理以樂名教以無愧於鄉之諸賢安知後萬曆十六年郡守世無賢守令者為俎豆其間哉

國朝乾隆二十年知府余文漪率貢生吳國荷重修貢生

林翔鷺童生戴翔鶴咸助之建講堂

督學都憲雷鏞

書院有四賢祠祀二程子朱子及南軒張子也以東甌賢士多從四賢遊者不忘其淵源用興起後學故列從遊諸君子配享之位也多歷年所兵燹後僅存數椽且近朽蠹余祗謁然與太守俞君永嘉令崔君商所以復之既而教授王君枕玉進曰邑明經吳國清願膺是役而明經林翔鷺梁春賢齋戴翔鶴咸量力以依之及期年木石斃瓦塗壁丹雘重造一新規制如臆前為祠後為講堂統名鹿城書院如舊稱於是歎先賢遺躅易以振興不憂來者之無人也夫西賢之道炳如日星惟患汙於嗜慾徇俗苟安如舊

越而北轅却行而求及前人耳今日者瞻望門墻拜  
趨堦城有不愧然慕奮然興者乎且夫木石甃瓦塗  
壑丹雘尙有貧而莫能與者若有志之士就此慨然  
奮然之一念決之以必往持之以不息知率化即為  
自暴舍此即為自棄讀書以擴其識見飭行無漸其  
衾影有不克為繼起之後人者乎且相觀而善切陸  
鼓舞勿哂為迂勿畏為難安在繼起之人不如當日  
從遊之盛乎况既躬親拮据以有成者又素皆克教  
行誼之士豈不教其子弟而徒為觀美之具乎是則  
使者與守令師儒諄諄屬望之意也乾隆乙亥使者  
閩汀雷  
宏記

### 鷄鳴書院

在縣學文廟西邑令林廷獻建萬歷十四年  
令蔣行義重建二十四年令林應羽重修改

曰文昌  
會館

### 芙蓉書院

在開元寺郡人王侍郎瓚讀書於此  
有芙蓉五月先花遂聯魁及第故名

### 敕建忠義書院

在五都姚溪郡人少師大學士張  
孚敬奉勅建院名貞義堂名抱忠

## 永嘉縣志

### 卷之六

學校

十三

### 松臺書塾

在榮恩堂右郡  
人張少師建

### 德新塾

在郡城德新坊獻欽  
子朱聲建延師儒蔣

惠設教嘉定間裔孫  
平叔繼之郡為立坊

### 雅俗塾

在雅俗坊薛氏延  
師設教郡為立坊東山

### 塾

在謝池巷周太博立延  
沈躬行戴明仲設教

### 經行塾

在通道橋丁先生  
昌期設教子寬夫

廉夫少南塾  
繼之

在五馬坊陳先生鵬  
飛立以經學教授

### 城西塾

在郡城西鄭  
先生伯熊

立學者數百至  
今稱學堂前

### 孝廉塾

在仰解元巷懷頭河仰先生  
析立著訓童龜盤十二卷子

思常思尹思  
中皆舉進士

### 草堂塾

在城南廂張先生謙  
教子孝懷孫純繼之

### 南湖塾

在城南茶院寺東毛先生壽立延陳止  
齋講學蔡尙書葉水心陳潛室繼之

### 吹臺塾

在吹  
臺鄉

吳先生滌立設教後慈湖  
楊簡禮之易名慈湖塾

### 菰田塾

在仙居鄉五十  
都戴氏立

### 嶼書塾

在清通鄉里人陳順  
長立延戴守而設教

## 永嘉縣志卷之六終